

隨軺載筆第六種

甘泉董醇醞卿甫著

度隴記

卷四

○十三日夜風達旦。午牌益甚。發潼關。渡黃。相國舟較穩。論同舟濟。送者臨河返。乘風破浪。抵北岸山西境。入土峽。西北行。峽在舊路之東。華山首陽兩岸對峙。黃河流二山之間。古稱此本一山。巨靈以手擘開其上。以足踏離其下。中分爲兩。以通河流。志載今觀手蹟於華山上。指掌之形具在。腳蹟在首陽山下。相傳如此。存而不論可也。五里風陵渡。永濟九域志言風陵上有樹數株。雖暴漲亦不漂沒。

度隴記

卷四

過此風甚無所見。但沙堆耳。雷首山臨大河北。去蒲阪三十里。括地志云。雷首一名中條。亦名厯山。亦名首陽。亦名薄山。亦名襄山。亦名甘棗。亦名渠豬。亦名獨頭。亦名吳山。西起雷首。東至吳坂。數異其名。隨州縣分之。又有首山。蒼山之名。兩漢史及晉魏志多言首山。雷首不及中條。中條之名。蓋起後世。論者謬指形似。乃謂雷首首陽皆中條之餘支。是知有中條而不知雷首矣。中條在永濟南十五里。由雷首委蛇而東。直接太行。南跨芮城平陸。北跨臨晉解州安邑夏縣諸境。有數峯攢立。拱對蒲城。其峯中高旁下。

俗名筆架山。又支峯。蔓壑所旁及者也。寰宇記中條亦曰薄山。薄亦爲蒲。古通。又名陋山。湯放桀。升自陋。是也。首陽在永濟南。少東五十里。寰宇記卽雷首之南。阜夷齊廟。今稱二賢祠。或曰首陽卽首山之陽。大抵雷首首山首陽實一山。古人臨文稱名。各因其時。昔所謂河曲之中。與潼關對峙。其峯在南。別出者爲首陽。而本位面正者則雷首古以山南爲陽。首陽之名。蓋取諸此。厯山在永濟東南六十里。上有舜廟。後周宇文護所建。水經注謂之厯觀。雷首山下獨頭坡。楊妃生處。今名貴妃邨。郡城西郭外。黃河東西

度隴記

卷四

二

兩岸各有開元鐵牛四。地卽古蒲津關。唐明皇嘗於河上設浮橋。曰蒲津橋。黃河自龍門下。由河津厯榮河縣西。其西岸爲陝之韓城。由榮河厯臨晉西。其西岸爲陝之郃陽。由臨晉入永濟。行縣境五十里。至郡西郭。距城五里。其西岸爲陝之朝邑。自郡西行縣境六十里。轉而東行。其南岸少西爲潼關。自潼關又東行縣境六十里。其南岸少東爲河南閩鄉。凡河帶郡境西北。繞郡西南。過縣三。行地二百七十里。秦蜀驛程記。秦穆公送公子重耳。涉至河曲。河自潼關折而東流。故曰河曲。卽此地。五里北極宮。蘇十

里。匿河鎮。蘇金合河鎮也。同尖荒店。到時申初。仍風尖。後行平灘。河卽雷澤。南流入黃。亦曰雷水。穆天子傳。壬戌。天子至於雷首。犬戎獻良馬四。天子使孔牙受之。雷水之干卽此。七里常旺。蘇風漸息。八里上源頭。蘇天色昏。黑叩邨店求火。燃殘燭作轎燈。十五里辛店。蘇八里。韓楊鎮。蘇七里。薛家巖。蘇十里。坡底鎮。蘇到時亥初。月明風靜。兩行館通。計行七十五里。二十里匿河尖。五十五里坡底宿。○十四日。平明發坡底。俱東北行。日烜烟藹。春氣盎然。十五里呂芝。蘇二十里。高市鎮。蘇仍尖北極荒祠。十

度隴記

卷四

五里古城屯。蘇五里。臨晉交界。路北白衣大士廟。上書臨晉第一鋪。臨晉東北三十五里。大嶷小嶷二山南北並列。稱二嶷。舊有龍祠。禱雨輒應。縣城北枕峨嵋。唐天寶二年築。峨嵋岡自聞喜。歷猗氏。其由臨晉入萬泉。獨隆起。名峨嵋嶺。自萬泉行而西。至榮河縣城東。上多平岡。曰峨嵋坡。東南一峰。差聳曰靈吉。自此西屬於河。峨嵋之脈始盡。綿互起伏。盤穿數縣。二百餘里。五里七級鎮。蘇十里。椿陽鎮。蘇十里。樊橋驛。蘇宿鎮中。館通行轅。到時申初。鎮有北平莊。武王廟。祀唐馬燧。貞元間。燧討李懷光於此。

駐兵臨晉舊驛於此。今驛移城東關。仍蒙以樊橋名。鎮今無驛行人。仍蒙以驛名。邑城坐峨嵋坡下。夏秋雨多漲。作自城以北。波濤雷鳴。官路通衢。有貫底橋。在縣東南二十里。縣東北十五里。亭東邨南小蓋原。古桑泉地也。左傳晉公子重耳濟河入桑泉。卽此有神羌堡。鄧禹定河東圍安邑時。築以屯兵。縣西北十里有齊王砦。韓信屯兵擒魏豹處也。今名齊王邨。按永濟臨晉猗氏三城皆在驛路北。輿中遙望不能見。計行八十里。三十五里高市鎮尖五里樊橋驛宿

○十五日日出發樊橋東北行約五里許路北小廟題曰

度隴記

卷四

四

石佛洞路南有橋。十里城東橋。臨晉五里水頭塘。猗氏

交界涑水在路南。猗氏漢高祖封功臣陳遼侯邑也。峨嵋

岡在猗氏城北門外。岡起自聞喜。延繞猗氏南抵臨晉西

帶榮河。其猗氏縣治則岡之地脈所結也。縣南二十里有

對澤。相傳猗頓居牧處。今其地爲王寮邨。五里祁任邨。

猗氏五里祁任塘。猗氏十里香樂鎮。猗氏鎮西有橋亦涑水

也。據志圖爲香落橋。過此涑水在驛路北矣。五里牛杜

鎮。猗氏進堡西門尖紅兒綠女充宇塞。途想上元有賽會事。

尖後出堡東門。門內題曰唐相故里。記來時傳凌烟明府

及古祠塾師陳孝廉。皆言地以牛僧孺杜如晦得名。按史載如晦京兆杜陵人。僧孺隋僕射奇章公宏之後。安定鶉觚人。幼孤。依下杜樊鄉。賜田爲生。距今猗氏絕遠。且考其時代。則杜先而牛。後論其人品。亦杜優而牛。殺躋牛降杜。未審何義。郡志作油杜。陶記作游杜。十里李漢猗氏五里。猗氏交界。中條當安邑縣南二十里。西連蒲阪。東接太行。橫互數百里。其在縣境者。西自分雲嶺與解州接壤。東至青石槽與平陸連界。中間絕巘奇峰如揖如拱。天然圖畫分雲嶺。卽中條最高處。嶺上出雲。東西分布。世傳尸鹽

度隴記

卷四

五

澤者也。嶺西有風谷洞。形若牛井。投葉卽飛。其風出則飛沙拔木。旁有鹽風洞。洞口若盆。仲夏應候風出。聲隆隆然。洞上四面陡絕。一徑透巔。曰天井峪。分雲嶺東有車輞峪。兩山夾路。盤礴多奇。又東有二郎峪。山有仙蹟。中多古洞。又東五里爲虞坂。今名青石槽。石畦險峻。車不方軌。國策昔騏驥駕鹽車上虞坂。遷延負轅而不能進。卽此安邑東北十五里有玉鈎山。峭峰環曲。草木青蔥。有關龍逢墓。涑水一名絳水。智伯所謂可灌安邑者也。河身共長八十七里。在安邑境者四十七里。五里喬陽汛。跋十里北相

鎮該宿地本古相里。萬里行程記作北向。謂取三晉雲山皆北向意。並識之以廣異聞。鎮西南五里有虞帝陵坊。陵東南有大雲寺。爲守陵焉。其東西映帶勢若游龍者。鳴條岡也。鎮北有涑水隄。計行七十里。四十里牛杜尖三十里北相宿
○十六日夜雨達旦。黎明發北相。東北行道。淨十里。張邨該十里。將軍廟該十里。王范該墩在堡東。五里。界牌夏縣交界。中條當夏縣東五里。起自蒲坂。迤邐而北。隨在異名。在夏縣者。東北一隅耳。中有柳谷。在縣南十五里。唐陽城嘗寓此。有玉溪洞。在縣東南七里。溫公嘗隱此。

度隴記

卷四

六

讀書瑤臺山。卽巫咸山。商相巫咸。巫賢墳祠俱在山麓。山亦當縣東五里。孤峰峭拔。蒼翠摩空。縣西二十里爲鳴條岡。北連聞喜。南接安邑。今呼爲峨嵋嶺。相傳湯與桀戰處也。縣西七十里爲稷王山。接稷山縣界。下有蛇虎澗。后稷始生。弃此。故名。蒲阪在縣南十五里。路通平陸。土人名三橋坡。卽晉假道滅虢處。五里。岔口夏縣十里。涑水鎮夏縣尖墩在堡東。涑水在縣境者四十里。水之激曰涑。涑東也。又水之合也。鎮有安福寺。長生觀。十里。義門堡夏縣尖後多北行。過堡南門外。題曰瑞凝樓。過常川口。五里。夏縣聞喜

交界。五里郭店鎮。調墩在堡北。有橋曰通利橋。十里。宋店鎮。調墩亦在堡北。十里。聞喜縣。進挹涼門。出迎暉門。過裴趙二公祠。祀裴晉文忠。趙豐忠簡。祠爲古金塔寺遺址。竟日溟濛。衣裝多溼。宿東關。兩館斜對城之門。五。東曰迎暉。南曰仰薰。西曰阜成。北曰仰徽。西之南曰挹涼。城東三十里多謙地。中條支山之在聞喜者曰湯山。亦名湯寨。上有湯廟。湫池禱雨多應。曰景山。山海經。景山南望。販鹽之澤。俱當縣南六十里。曰三峻。亦曰焦山。高埽湯寨。空翠如削。矗峙雲霄。上林賦。凌三峻之危。卽此。當縣東五十

度隴記

卷四

七

里。秦王嶺在湯山東。相傳秦王屯兵處。嶺東爲盤盤山。在縣南五十里。山之東爲紫金山。在縣東七十里。東接曲沃。縣北三里卽峨嵋嶺。從紫金發脈突起。延袤自東而北。而西錯落如黛。土性厚宜穀。縣東南三里有香山。相傳爲晉公還帶處。有晉公祠。前列三塔。文筆插天。嶒嶸突兀。計行九十里。五十里。涑水鎮尖。十里。聞喜縣。東關。宿。四

○十七日。平明發。聞喜東關。雨止。霧尙濃。東北行。十里。十里鋪。調入晉以來。山勢或左或右。或左右相對。皆遙望也。過此山。勢漸緊。十里。馮家莊。調有玉虛觀。五里。川

口邨調將近東鎮路多北向。五里東鎮調有帝堯廟四

聖廟。三靈侯廟保甯寺已刻。同尖館樓尖後過上東鎮。

二里中莊調有超然觀。三里姚邨調西姚邨有帝舜廟。

東姚邨有崇真洞。邨後有紫屏山。山列如屏。懸崖千丈。其

色紫故名。五里問店調天漸晴日出有光。五里裴柏

邨調志言縣東四十里為舊城。唐宰相世系表。非子支孫

封舊鄉。因為氏。卽此地也。後去邑。从衣為裴。楊炯庭菊

賦。為庶子裴公作也。中云。乃有舊鄉貴族。注。舊步回切。河

東聞喜舊鄉。今有裴邨。又北有裴柏邨。裴柏邨裴晉文忠

度隴記

卷四

八

公祠。相國補書韓碑碑。題其陰云。韓碑之毀。前人多論其

事矣。迄無以正其事。竊嘗惜之。道光庚戌。孟陬既望。偕比

部馮君斌。同官鍾君秀。隨壽陽相國奉

使歸自金城。道聞喜裴柏邨。謁晉公祠。相國憶韓碑。憮然久之。

為補書一通。刊石廟側。碑。惟天下萬世有公。是非行見。觀

斯碑者。走相告語。以為是碑也。唐元和天子嘗毀之。今我

大清壽陽相國復立之矣。上溯毀碑時歲在戊戌。距今蓋千有

三十有三年云。五里蘭德鎮調鎮有興真宮。堡南有周

陽侯故城。鎮東北槐林溝上石橋曰金稷橋。近鎮梨園邨。

有媧皇廟。十里隘口鎮曲備有茶尖。鎮南石橋邊換夫橋南有古招仙洞。鎮北過兩橋一沙溝橋一金溝橋。金溝水經陽城里入澮。隘口東倚絕巘西臨大壑。峰峻徑窄車難并軌。昔設關於此。名鐵嶺關。隘口之西爲峨嵋山。當曲沃西南四十五里。餘支入絳州聞喜稷山猗氏亦絳山之支也。隘口之東爲郝家山。山在紫金山迤西。明刑部郎中郝修己服官清介。洪武時賜紫金山一區以旌之。卽此。郝家山東有冰巖。泉凝成冰。山陰日色罕照。冰堅不散。春夏猶存。卽晉殿懸冰也。當縣南十五里爲絳山。太行之支也。

山在澮水之南。東達太行。西極峨嵋。晉國之稱絳。以此水出其下爲絳水。縣南十三里爲紫金山。絳山最高之峰也。山麓宜柿。縣東南二十里絳山之東支曰白石山。山多白石。故名。唐風白石鑿鑿。卽此。五里驛橋曲地有飲馬池。水自聞喜來繞邨西北流入澮。五里史店曲過堡西門外。五里上馬邨曲過堡南門外。題曰凝翠。過堡東門外。題曰崇雅。五里侯馬驛曲渡澮水橋名通濟。水發源澮山。西徑翼城南。又南合黑水。賀水高泉。紫谷女家諸水。謂之澮交。五水皆在翼境。又西南與絳水合。至曲沃之

東賀邨。徑侯馬橋。虎祁宮。西入絳州。注於汾。進鎮南門。兩行館通。館爲賈司馬祠舊址。祀鄉賢賈公漢復。鎮有無量洞。虎祁宮址在鎮西南。鎮西北十餘里。臺神邨有翠金山。臺駘廟居其上。居人往往拾小翠石。五色陸離。江河水流。曲處曰望。縣西四十里。汾曲東岸一帶。邨莊高阜處。皆以望稱。有南平望。北平望。南峰望。北峰望。下平望。張望等望。西岸屬絳州太平。計行八十里。五十里東鎮尖。十里侯馬驛宿。○十八日。平明發侯馬。北行時稍偏東。逢邨換緯。自侯馬始入晉以來。交界換夫。自隘口始。皆曲沃地也。約二三里。

度隴記

卷四

十

過程王邨。五里。西莊鎮。沃曲過。此時見北面壚頭諸山。

五里。郭馬。沃曲有汎。十里。楊邨。沃曲五里。高陽邨。沃曲有崇

慶寺。五里。高顯鎮。沃曲入堡南門。題曰風引南薰。鎮多花

店。治木棉。尖於荒店。到時已初。店東向。鎮有興國寺。尖後

出堡北門。峽行。過天井橋。橋跨天井水上。卽滄河也。俗名

鼓堆水。一名合水。源出東陘山。由此橋迤西入汾。過橋仍

峽行。五里。北封王邨。沃曲道俱在土峽中。時行坡腰原。層

避峽中車。五里。北辛店。沃曲古新店也。唐至德二年。郭子

儀與嚴莊戰曲沃。大破之於新店。卽此。堡內有隨心觀音

坊墩在堡北。十里。蒙城鎮。油鎮有會雲觀。鎮南數里有文敬邨。墩在堡北。魏書安同進計魏主曰。汾東有蒙坑。東西三百餘里。徑路不通云云。後果大敗姚興於蒙坑之南。五代史。王峻軍出自絳州。前鋒報過蒙坑。峻喜曰。蒙坑晉絳之險。劉崇不分兵扼此。吾知其必敗也。卽此地。今數十里中。坦然已成大道。而馳驅過之。忽如身墜井底。前有驛。後有邨。皆以蒙名。猶想見昔時之險也。今易其名曰蒙亨。東陘諸山。皆在鎮東。並記之。東陘山當縣東北六十里。發脈太行。崇山喬山皆其支也。界連翼城。攷水經注。天井水

度隴記

卷四

七

出東陘山。西南北有長嶺。嶺上東西有通道。卽鉏蹬。穆天子傳。乙酉。天子西絕鉏蹬是也。太行自澤達翼爲東陘山。再折而西爲喬山。又名橋山。其東峰曰崇山。較喬山不甚險而高倍之。喬山之西爲壚頭山。其顛略坦。爾雅所謂上正章也。峰側有石龕。似古避世地。中存鐵鐘。自蒙城過界。牌入太平界。渡古義土橋。十里。閭店。太平墩在堡南。十里。史邨驛。太平宿。兩行館通。汾河在驛西。縣治在汾河之西。二十五里。在驛之西南四十里。姑射當縣西十五里。自北而南。互抱邑境。中有樵夫遇仙人圍碁爛柯處。碁石並足。

蹟存焉。酈道元云。姑射卽尙書之壺口。其顛有照望峰。夜深猶見日色。九原山在太平西南二十五里。趙文子與叔譽觀乎九原。卽此。東陘南接曲翼。北連襄汾。當太平東四十里。計行七十里。三十里高顯鎮尖四十里史邨驛宿

○十九日。寅正興相國先發。期二十八日會於壽陽石帆。亦先發。抵平陽。平明。偕曉滄發。史邨。閒行。崕上。見汾水。

二里界牌。

太平襄陵

交界。襄陵驛路之東。山脈接連。曲沃者爲

喬山。其東北支爲石牛嶺。相傳老子過此。牛臥地化石。今其石色青如牛。喬山北連臥龍山。上有三峰。尤高。隋時干

度隴記

卷四

三

尺大蛇臥其上。有臥龍祠。又其北曰龜山。山脊突起。石紋橫織。襄陵縣治之西最遠者爲九龍山。山脊九曲似遊龍。天矯北連三嶝山。後有盤龍山。旁有摩雲頂。北有鬪龍峪。中有一峰峭立雲表。其形三磴。緣級而升。鬪龍峪北爲華池峪。內有石洞。滴水如珠。輒雨。三嶝山北爲姑射山。卽莊子所謂藐姑射之山。有神人居焉者也。南連平山。西北連臨汾山。峪山胥平峰。元和郡國志。平山一名壺口。今名姑射。據此則平山姑射爲一山。襄陵城東南鄧莊。伯道故居。有遺愛橋。伯道所建橋舊址。八里荆邨鋪。襄陵過東望箕

山西帶汾水坊。巢溪在襄陵東南三十里。卽三交西注之水也。至荆邨入汾。一名洗耳河。一名潁水。相傳巢父洗耳處。側有土阜名箕山。按今直隸正定府行唐縣。亦有箕山。及洗耳溪。棄瓢巖。許由瞳等名。大抵古蹟多附會。三代以前。事尤不易詳考。云汾水在襄陵東一里。由臨汾入境。又南入太平。五里。趙曲鎮。釀鎮有成湯廟。超化寺。鎮左有馮溝渠。鎮南石橋曰鎮陽橋。襄太富庶。舊有金襄陵。銀太平之謠。自兩淮根窩廢而襄太浸衰矣。五里。張林鋪。釀過仙傳姑射水。挹平泉坊。平水一名晉水。發源姑射之麓。

度隴記

卷四

三

千派萬壑。晉成錦紋綺縠。分流經城北梅月橋。入汾。鋪北過梁坡下院北辛店等邨。又過辛店鎮。鎮南題曰離照曰望衡。北曰坎止。十里。靈伯鋪。釀過梅月仙風龍山松影坊。梅月溪在屏霍門外。上有晉橋。相傳仙客過飲橋畔。題梅月於壁。縣東南四十里有崇山。一名臥龍山。臥龍祠在其西。嶠祠前古松一株。大十餘圍。高百餘尺。蔭可數畝。又古柏抱槐。亦大數圍。皆千百年物也。過鄆裏邨。五里。界牌。釀交界。過金井邨。五里。大韓鋪。釀過王莊。五里。堯廟。釀堯陵在城東七十里。郭行里土人謂之神林。亦有

廟。唐太宗征遼。駐蹕於此。謁堯陵。塑已像配焉。五里岔口鎮。臨過郭邨。東趙邨。八蜡廟。趙邨有倉頡故宅。十里。平陽府。城南有漢鄉賢張敞故里碑。城西南有鄧子坡。鄧伯道棄子處也。西南二十里有劉淵城。淵嘗築此。爲陶唐金城。入明德門。城南門也。折而東。住貢院。到時午初飯畢。相國發臨汾。住洪洞。臨汾西南二十五里爲平山。亦姑射之支也。平水出焉。山海經云。平山。平水出於其上。潛於其下。是生美玉。城在平河之陽。故府名平陽。姑射山當臨汾西三十五里。有姑射蓮花二洞。山前九孔相連。深不可測。

度隴記

卷四

七

名九孔山。蓮花洞西北有分水嶺。乃蒲縣界。分汾古通用。北周書所謂汾水關也。臨汾之東三十里爲臥虎山。以形似名。出黃蘆泉。南爲世從山。距縣東南三十里爲浮山。相傳洪水橫流時。此山隨水消長。東北五十里曰漫天嶺。與浮山縣南三十里之龍角山東西相距。臨汾東南曲沃襄陵。迤邐而北有大尖山。卽崇山也。計行六十里。尖宿俱在平陽

府城內

○二十日。細雨發臨汾。過城內古帝堯都坊。出鎮朔門。城北門也。門凡四。西曰和義。東曰武定。過帝堯陵碑。過郭家

莊南孝邨党家樓。雨中東望，臥虎溟濛，不能見。西望姑射，在蒼茫烟霧中。十里高河鎮，臨汾過高粱橋，橋下澇水一名黑水，源出浮山烏嶺下，合小澗溝，西流入縣境。至城北高河，經此橋入汾。過賈邨溝，上邨盧曲邨溝，上邨有陶唐丹朱墓碑。按丹朱墓有二，其一在望都，出城北行。過此東北行，十里韓邨，臨汾盧曲韓邨水利有和潤渠。五里洪洞南界牌。五里羊獬鋪，洪洞鋪南有羊獬橋，橋下岳陽山水也。鋪北有瑞羊生獬處坊。十里陽曲鎮，洪洞茶尖。茶後過有虞士師皋陶墓碑。過皋陶邨，過士師邨，邨有屋題曰

度隴記

卷四

五

款留一步，曰藉茲滌煩，想係盛夏施茶地也。過有虞士皋陶故里坊，坊北有皋陶祠。十里左壁邨，洪洞邨有屋題曰式飲庶幾，亦茶亭也。過張邨，過南塔下，過安樂鎮，過澗橋，邨過聚瑞橋，橋在洪洞城南一里，卽澗河橋。舊志作通駟橋，澗水發源岳陽縣，源有二：一出縣北安吉嶺，一出縣西北金堆里，千佛溝合流入洪洞境，經此橋。至城西入汾，橋南坊曰惠及步輿，橋北有程嬰公孫杵臼故里碑。十里洪洞縣城南一里有洪厓，東西廣五十里，壁立百尺，澗水繞其麓，昕夕衝激，少徙而南，自左壁而北，皆行土溝，弗

之見過聚瑞橋。回顧乃見之。入縣城南門。門曰迎薰。由南而北。街道不甚闊。市屋俱重檐。出北門。門曰望霍。城門六。其東曰賓陽。西曰拱汾。東南曰安流。東北曰玉峰。宿北關。行轅。到時未初。相國是日住霍州。霍山。霍州東南山也。當洪洞東北四十里。東有觀墀峰。峰上圓。其形勢視霍若背視趙若棄。獨南顧洪洞。迴翔環抱。秀峰盈千。縣東十三里曰九箕山。東北接霍山之麓。高二里許。南北袤十里。東西廣二十五里。狀類箕。南向者九。故名。相傳許由隱此。下有洗耳泉。棄瓢池。遺址玉峰山。在玉峰門外。脈自九箕山來。

度隴記

卷四

六

東望霍嶽。南對洪厓。西面汾川。洪洞城西二十五里有英山。山上有娥皇女英祠。故山以英名。又西爲婁山。距縣西三十里。北接趙城。羅雲山。南連臨汾。天石山。峰最孤秀。上有婁山神祠。計行六十里。四十里。陽曲鎮茶尖。二十里。洪洞縣北關宿。

○二十一日。平明發洪洞。過賈邨。路多北向。五里。官莊。洪莊在驛路之東。驛路有惠遠橋。金大德二年建。北望一帶土阜。隆然而高。疑卽洪洞嶺。官莊屋宇高敞。壯麗遙望如琳宮。五里。苗邨。洪當邨有水磨。五里。趙城南界牌。過國士橋。橋下爲南大澗水。源出霍山青條谷中。西入汾。

過橋後。地勢漸高。橋北爲上紀落鎮。鎮在坡上。有漢紀信祠。祠後有墓。信故邑人也。有長春觀。五里。王開鋪坊。城將近城。肩輿人愛捷路。多行田稜。過石橋。橋下當是南小澗水。源亦出霍山谷中。西入汾。趙人。多講水利。時見清流。灑灑注田間。十里。趙城縣。尖城東南。簡城書院。霍山當城東北三十里。入山五里有中鎮廟。廟東南有興唐寺。東十里有休糧寺。又南有廣勝上下二寺。趙城之西四十里有羅雲山。北接汾。西南連洪洞。西抵蒲縣。山有石峽。名出佛峽。山崖下墜大小石。胥似佛首。羅雲東北有明珠山。尖

度隴記

卷四

七

後入南門。出北門。門各建樓。樓各題額。曰東望霍山。西臨汾水。南瞻堯都。北仰神京。北關石橋下爲大澗水。水距城一里。出霍山。觀音溝。西入汾。五里。窰子鎮。城鎮南有石橋。志作窰安鎮。鎮北門外橋曰青石橋。橋北入峽行。五里。衛店。城仍峽行。志言五女原在縣北十五里。漫衍廣博。爲縣北屏。峽上土高。當卽原也。十里。益昌鋪。城仍峽行。鋪北有石橋曰永利橋。橋下北小澗水出霍山谷中。西入汾。過橋。傍山崖行。崖下汾水也。志言益昌鋪旁有二石。相傳尉遲敬德追秦王至此。見農夫二。問世民何往。其一不

應手刃之。及前，乃二石也。今石一立一僵。五里，界牌入霍州界，仍峽行，將抵辛置，乃履坦途。五里，辛置鎮。霍州鎮有渠，亦汾河水利也。五里，南坡底。耀過此，復入峽行。五里，鑾鈴鋪。耀五里，壇底鎮。耀鎮南有石橋，鑾鈴原甚高，坡底壇底皆凹，蓋原之麓也。鎮北過石闕，地勢開展。一再過石橋，橋下琬水也。源出州南五里石鼻谷，谷中有朝陽洞，冬不甚寒。水出谷西流，合州東大張邨古魚池，章邱泉諸水流經城西南入汾。五里，霍州城內宿。到時申初入望陽門，城南門也。城門四，東曰春熙，西曰安戍，北曰拱

度隴記

卷四

六

極。相國是日住靈石，城東南三十里太岳，卽霍山也。一名霍太山，高三十里。主峰高百丈，有奇盤踞百七十里。南接趙城，北跨靈石，東抵沁源，古爲冀州之鎮。今封霍嶽中鎮。祠在山麓，山頂有打鼓泉，自頂而下，注地如鼓聲。州境環繞皆山，皆霍山之麓也。霍泉發源霍山南麓，分南霍北霍二渠，以溉霍州趙城洪洞田。計行八十里。三十里趙城縣南關尖

五十里霍州城內宿

○二十二日，黎明發霍州，出拱極門，郭門外石橋曰鳳樓橋。元初元帥程榮建，以北走鳳樓嶺故名。十里，十里汛。

州霍 五里北坡州霍上為風吹嶺自此入峽行 五里周邨

汎州霍仍峽行時於土壁缺處窺見深塹平田重岡疊嶺

十里師莊鎮州霍鎮北有汎南有石橋露轆茶尖 十里白

水州霍過此峽行志言州北四十里為鳳棲嶺峽上山勢巉

巖當是也 五里老張灣州霍過此入靈石界自白水以來

俱峽行 五里逍遙嶺靈號曰逍遙戒愆遠也或曰路極

險曲冠此嘉名亦永定河甜水鋪類耳過此峽坡相間俱

由高視下 十里仁義驛靈尖鎮在坡底行館尙闕敞可

宿鎮南有仁義橋已半圯橋下為仁義河源出沁源縣流

度隴記

卷四

九

經靈石尖陽石膏諸山南歷西邨道遷邨仁義鎮會石門

溝柳溝羅兒溝青石溝諸河至南關鎮入汾驛四圍皆山

有形如臥牛者名臥牛山又有蛤蟆嶺一名蚰子嶺距霍

州東北靈石西南各五十里卽賈胡堡嶺勢崔嵬屹立山

表每日將暮羣阜深黑此嶺獨受返照青紫萬狀絢采可

觀相傳唐兵取霍邑駐此陰地關在鎮西南十里唐張濬

擊李克用敗兵處也鎮北山上有仁義堡卽劉武周修築

屯兵拒唐處 七里北台靈 八里郭家溝靈韓侯嶺常

家山兩山高峙中界深溝嘉靖間平陽太守聶豹築臺起

樓於溝南。題曰天險。溝上橋舊曰惠濟。萬曆二年。邑長白
夏易建弔橋於橋北。深塹以遏敵衝。亦曰天險。靈石西南
三十里曰秦王嶺。唐太宗取霍邑。駐馬於此。地在郭家溝
之西。五里韓侯嶺。礮礮謁淮陰侯祠。塾師王殿元爲拓祠
壁碑十種。五里竹竿坂。礮礮有汎。亦險隘也。岡上祠題曰
夫妻廟。舊傳爲衛公紅拂故事。閱兩像俱髦年。旁蹲一虎。
龕上復繪男女。瞑倚一車。旁亦蹲一虎。詢肩輿人云。昔有
夫婦推車至此。力盡而斃。虎守其屍。不忍傷。里人異之。因
祀爲山神云。五里坡底鎮。礮礮五里裴家峪。礮礮行崕上。

度隴記

卷四

三

崕下水淙淙。蓋汾河也。地迎溜頂衝。甚險。將近城。城南舊
有中流砥柱橋。以鐵索繫兩岸。鋪板其上。今廢。中流臺址
尙存。五里靈石縣。縣城門四。東聞弦。南正明。西樂泮。北
承恩。驛路徑東門外。抵北關。小水鎮宿。相國是曰住介休。
小水出綿山興地峪。及柏溝曲美峪。流經靜介等邨。至縣
北門入汾。鎮南有橋。綿山當靈石之東四十里。北跨介休。
東南接石膏山。又東南接沁源霍嶽。盤袤遼邈。隨地異名。
山有高峰曰屏風石。有樂室。四壁高峻。中函平原。相傳晉
銅鑾盈於此。是夕接相國兩函。一留德圃。明府面交。一從

介休齋至。言松岷中丞接報事。並囑加站會王胡或會壽

陽

計行一百里。

三十里師莊鎮茶尖 三十里仁義驛尖 四十里靈石縣北小水鎮宿

○二十三日丙辰。驚蟄黎明。發小水鎮。多沿岷行。岷下汾水也。路皆北向。偏西。鎮西北橋跨汾水。名船圪塔渡橋。夏撤冬支。鎮東山上有清涼寺。鎮西嶽廟。後有蟠龍菴。十五里張家峪。礮有汛。汛南有橋。仍岷行。志言縣北七十里。為望川原。相傳禹治洪水時。登此觀水勢。有祠。地四圍皆山。未知何者是也。五里索洲鎮。礮渡橋。冬施夏撤。在鎮西。跨汾水上。鎮北岷尤險隘。岷下汾水聲如雷鼓。過鎮後。

度隴記

卷四

三

路北向。稍偏東。

五里。其家墳。礮

五里。兩渡鎮。礮尖於

石室。鎮南外額曰攬雲。鎮北內額曰翫龍。

十里。崔家溝

礮

十里。冷泉關。

礮即古川口也。關外迤北多平曠。入關

則左山右河中。通一線。實南北咽喉。自介休義棠鎮南至

靈石陰地關。賈胡堡。皆古爵鼠谷。水經注所謂數十間道

隘者也。堡在東山上。有天聖寺。大雲寺。遙望西山之麓。瓦

屋層疊如畫。關題曰河東要鎮。關南有汛。五里。桑平峪。

礮。居民千餘家。山水環繞。過此入介休界。遙望西山有塔。

即秦王塔也。志言塔在縣西南十三里。西靳屯。卮南原上。

唐武德二年秦王大敗劉武周於此。後人建塔紀之。五里義棠鎮。介休縣宿西關行轅。介休門四。東捧暉。西臨津。南迎翠。北潤濟。門外石橋各一。關城包城東北二面。城西南十二里曰忌坂。形勢壁立。世傳介之推避晉文公於此。故名。又有思烟臺。綿山在介休南四十里。遞高四十里。隸縣境二十五里。東接沁源。南跨靈石。形勢綿互。故名。後介之推隱此。亦名介山。山之奧有抱腹巖。巖之對峙爲南山。下有巖溝。凡在綿山巖溝南者。俱稱南山。縣東南三十里有蠶簇山。以形似名。相國

度隴記

卷四

三

是日住平遙。

計行八十里。

三十里兩渡鎮尖五里介休縣西關宿

○二十四日寅正發介休。由城外東北行。

五里東石門

鋪

介五里宋牯鋪

介五里東十五里鋪

介五里湛

泉鎮

介鎮西有蒲池泉。十里王里鋪。介時天漸曙。南望

狐岐山。隱約雲際。狐岐卽禹貢治梁及岐之岐。山海經云

狐岐之山。勝水出焉。東北流於汾。中多蒼玉。俗名洪山。故

老相傳。勝水泉湧時有鸞鷲鳴。因名鸞鷲泉。自南北流。分

東西中三河。資以溉田。

十里南張鋪。介過金龍橋。五

里張蘭鎮。介鎮爲孔道要區。卽古之張南。南蘭聲相近。因

變文爲蘭。鎮有興福寺。妙明寺。元和觀。尖於鎮東毗連之。
郝家堡。卽郝邨鋪。到時辰初。堡有利民橋。五里田堡鋪。
介。五里杜邨茶房。邨。五里橋頭邨。邨。五里良如壁。
邨。十五里平遙縣。入上西門。折而北。尖於行轅。到時已。
初城門六。南北門各一。東西門各二。近南者曰上東上西。
近北者曰下東下西。尖後過金井樓。折而東。出下東門。路。
形曲如蓋柄。上東城北隅有將臺。周宣王時尹吉甫伐獫。
狁。築以教士。遂歿於此。上東門外百步碑曰故周卿士尹。
吉甫墓臺之南碑之西有公墓。下東門有惠濟橋。碑爲傳。

度隴記

卷四

三

青主撰詞甚古。縣東南四十里有超山。一名鍋山。一名弋。
嶺山。環抱奇秀。視諸山獨異。山之東有紫蓋峰。清光峰。寶。
塔巖。南有萬松嶺。北有文殊頂。西有觀音坪。距超山七里。
則麓臺山也。縣東南三十里有中都河源。出中都谷橫嶺。
下西南流。源池亭岡諸水來注之。西入鄆城泊。復入汾。縣。
北三十里有長壽河。一名沙河。魯澗合嬰澗之水來注之。
亦西入汾。沙河夏秋泛漲。多爲民害。縣南六十里有邢邨。
爲南入中州之路。羊腸詰曲。鳥道嵌空。最稱險塞。平遙舊。
志多散失。其所稱人物朝代最遠者曰晉孫子荆楚。孫興。

公綽孫安國盛綽盛皆楚之孫 五里仁內鋪平 五里
十里鋪平 五里新城鋪平 五里洪善邨平 十里界
牌平 縣平 交界 五里鄭家莊縣 五里東城鋪縣 五里
高城鋪縣 五里祁縣入挹汾門城西門也宿昭餘書院
相國是日住徐溝祁城門四東瞻鳳南凭麓北拱辰縣東
南六十里有麓臺山南跨平遙迤邐接武鄉沁源靈石小
麓臺伏巖嶺上幘下幘牛心紫荊諸山俱在縣東南昌源
河卽胡甲水一名盤陀川源出祁縣東南百六十里武鄉
縣胡甲山北流經龍舟谷名龍舟水匯諸泉折而西流經

度隴記

卷四

四

祁縣北又西經平遙界入汾昭餘祁久涸元至元中土人
鑿得細水爲昭餘池歲溉民田旁建成湯廟王温二姓爲
祁望族漢王允晉温嶠王僧辨北魏温子昇唐温彥博王
珪王忠嗣王維温庭筠皆邑人 計行一百三十里四十五

張蘭鎮尖 三十五里平遙縣城內再尖 五十里祁縣城內宿

○二十五日丑正起候轎夫陸續至寅初發祁縣候開城
出拱辰門城北有温太真故里碑鼻犯故里距城北三里
許 五里會善邨縣 十里賈令河縣 五里賈令鎮縣
過召憩亭始曙鎮北有元天閣 十里羅邨縣 徐溝交界

十里堯城徐 十里高花邨徐志云 祁大夫受封過此土人築臺具花綵以迎大夫命其地曰高花 十里徐溝縣西關尖到時已正徐溝城門四東融和西豐樂南迎薰北拱極驛路在城外徐邑無名山大川其河渠之可誌者三一嶽峪河源出榆社縣恤張嶺下距徐百八十里西流入清源縣界河在徐溝南五里深秋漲發多壞禾稼一金水河源出太谷縣大塔山下至雲母祠眾泉合流經榆次縣東陽鎮入徐溝集義邨漫流土沙水蠹秋冬爲害一洞渦河俗名淤泥小河源出樂平縣經榆次永康鎮流徐溝遼

度隴記

卷四

三

西劉邨同艾白樹邨董家營等邨入清源界 十里遼西邨馮 五里界牌徐溝次 榆次春秋爲涂水魏獻子以徐吾爲涂水大夫是也晉荀浪宰榆次鳳嘗集其境宋文潞公權邑篆有思鳳亭詩序 十里郝邨榆次 五里永康鎮榆道 多汎洳永康渠水也 十里張慶鋪榆道 亦汎洳永康張慶兩渠俱分引洞渦之水 十里南谷邨榆次 五里榮邨榆次 五里郭家堡榆次 十里王胡鎮榆次 宿行轅相國是日住什貼王胡西南距風陵渡一千一百里東北距直隸界三百二十里縣治在王胡西南十里門四東迎

曦南觀瀾。北望嶽。西鳳朝。榆次北五十里爲罕山。圖經謂之看山。魏書地形志謂之旱山。其東北接壽陽境。罕山引而西少南爲陰山。少東南爲冀家山。冀家山勢綿延爲罕山左翼。其西南五里爲烏金山。東南十里爲紅砂山。縣山最多。惟罕山高出諸峰上。此外又有先鋒、撲牛、老鴉、大方、小方、中林、臥虎、草垛、饅頭、海螺、兔兒、五太、小五臺諸山。縣東南則有八縛、曹家、貓頭、漫天、神林、盤腸諸嶺。又有神山、柏翳山。三縣塙。塙名三縣。謂西屬太谷。東南屬和順。北屬榆次也。又有架嶺、青楊嶺及帽帽、紅羊、杜家、大羅分水魯。

度隴記

卷四

美

仙麓臺、寶峰、神頭諸山。神頭山有智伯墓。國人刻木爲首以葬。故名榆次。水惟洞渦最大。澗河次之。洞渦在縣南澗。河在縣北。故諸渠引洞渦者爲南渠。引澗河者爲北渠。驛路界兩水之間。水遠俱弗見。洞渦源出樂平鄉西四十里。陡泉嶺。樂平。漢沾縣也。嶺下諸水會成河。西流三十里。至平定州廣陽鎮。稍西北。經流松曲許莊。凡二十四里。至松塔。浮化水自平定西浮化山行。至裴邨合龍泉水。凡二十四里。來注之。又四里。木瓜水自和順木瓜嶺經白木寨馬坊合石猴嶺水。凡七十五里。來會之。水經所謂南谿水也。

復西流四里至李莊入壽陽南界。又二十四里至羊頭岵。又十三里有冷泉寺。寺西黑水自壽陽西北七十里。偕其縣西龍門水。東北童子河。東壽水。曲折行五十里來會之。又西三里。經盧家莊。蒲谷水自南來注之。又西流六里。至建公穴。穴大可三四畝。水深不測。相傳其中有怪物焉。又西行十八里。至西落。過大阪。入榆次縣界。稍西北行。下峪河入焉。經東趙邨。石家阪河入焉。入縣境西流。凡十三里。至北合流邨。大涂水合小涂水來會之。又西五里。源渦水行半里餘。自北注之。經縣東南。又西南流。凡五十里。由永

康鎮過郝邨。入徐溝縣境。大涂。小涂。洞渦。木瓜。源渦。魏地形志所謂五水合流。同過者也。按水經注作洞渦。魏志作同過。他書或作同戈。宋史作洞鍋。宋史紀事又作銅鍋。水一而字異者。五澗河在縣北十五里。源出壽陽縣李家山西行穿山谷間出。至胡家巖下。股派歧出。南流抵郭家溝。入榆次縣境。經蒜峪邨。蒜峪水合芹峪水入焉。又南。蘇河水入焉。又少南折西行。經左付邨。後溝水入焉。又西行。鞋底嶺水入焉。又委蛇西南行。經沛霖邨。田家莊諸邨。而西。經神堂溝。白龍河水入焉。又西。經蘇邨。峪頭邨。聶店。稍南。

折經鳴謙南。又西行。至秋邨。鳴李邨。東北而清水河自北來入焉。凡澗河入榆次。折行七十餘里。入於太原。自太原境西行二十餘里。經東溫莊。小店鎮。歸汾河。計行一百三十里。六十里徐溝縣西關。尖。七十里王胡宿。

○二十六日。寅初發王胡鎮。鎮東四里許。土壘如牆。周圍數十堵。南北俱鄰溝。昔太原人於此避兵。名之曰窩窩寨。鎮東八里許。有淺溝。深數十丈。水直流入涂河。其土極紅。聖壁者恆取之。殺熊嶺亦在鎮東。去縣不十里。宋制置使种師中戰死其地。明初嶺上林木猶多。麕蔽後。翦伐童然。

度隴記

卷四

三

或改呼王胡嶺云。八里。傅邨。獠。七里。傅家寨。獠。二里。羅家莊。獠。三里。腰店。獠。八里。三岔口。獠。七里。什貼鎮。獠。尖什貼有藏山廟。祀程嬰公孫杵臼。土人祈禱呼爲大王云。五里。韓家溝。獠。十里。要羅鎮。獠。鎮踞要羅山。壽水發源處也。東北流。有頡紇邨。北山谷水北流注之。又北逕太安驛。十里。西嶺鋪。獠。過此下坡。坡盡抵太安驛。十里。太安驛。獠。茶尖。換馬。壽水逕此。俗稱太安驛河。屈西轉而東。左會黑水。以下黑水。壽水通稱。驛河有橋。曰安定。十里。王強鋪。獠。茶尖後入峽。漸高。過鋪後。俱下坡。

路。坡盡。渡河而北。東行。河以架木梁。兩岸險絕。十里。清平鎮。驕鎮在河北。將抵鎮。復渡草橋而南。仍東行。十里。大樹埕。驕。五里。青羊岔。時過岔後。下坡。坡盡。臨河。畦。過黃門鎮坊。沿畦東行。數武。復渡草橋而北。五里。黃門鎮。驕坊在河南。堡在河北。西門南向。題曰山明水秀。堡東照牆。內曰霞光掩映。鎮東有甚與門橋。所涉河皆壽水也。五里童子河。驕過黃門鎮後。歷閻家坪。下坡。履石渡淺水。抵童子河鎮。鎮西石橋高闊。當即迎仙橋。橋下轉無水。童子河即曹河。五里。壽陽縣。入川媚門。城西門也。志作回陽。其

度隴記

卷四

完

南曰恆陽。東曰賓陽。出東門宿。是日。晤相國。同臨於行轅。壽陽縣東北四十里。爲方山。其北與孟縣接。松嶺蔚然。頂方一里。有黃龍黑龍二泉。縣東南四十二里。爲鴉鳴谷。唐乾符五年。昭義帥餘眾自鴉鳴谷走歸上黨。即此。縣南二里許。爲虎頭畦。三十五里。爲羊頭畦。畦下有冰。歷暑不消。八十里。爲過山。洞渦水所經。渦亦作過。故名。壽陽北八里。爲石巖山。流水喬松。環帶左右。十五里。爲尖山。爲封侯嶺。爲却略嶺。嶺一名玉泉山。二十五里。爲石門山。石壁對峙。中通流水。東北諸山。總峽也。畦刻八田。安日上一木。兩人

扶十字。俗傳爲石門禹蹟。四十里爲雙鳳山。六十里有陽
摩洞。其深莫測。土人云。與孟縣山谷通。縣西北五十里有
湧泉山。禱雨輒應。有黃嶺。嶺皆黃沙。有妖狐洞。在湧泉山
之東。風從洞出。人不可近。縣西三十里曰燕巖山。山堂肆
考云。壽陽西山多蟄燕。因以名山。五十里爲五峰山。爲東
王坡。坡上下崎嶇。縣令胡具體築以石。行人便之。稱胡公
坡。八十里爲紫巖山。接榆次境。土色皆赤。九十里爲罕山。
接陽曲境。西南接榆次境。桃水出縣東南二十里桃源溝。
屈曲而東。有芹泉小河。自縣東五里張家莊南流。逕芹泉

度隴記

卷四

三

坡注之。又東右則南芹泉北流注之。左則北芹泉南流至
張淨鎮之西注之。又東云。平定州西界。俗呼新店鎮河。其
下出平定州北井陘縣城。南平山縣西而北。注滹沱。漢書
地理志。太原郡上艾縣曼水。東至蒲吾入葦池水者是也。
水經注始有桃水之名。元史謂之冶河。桃亦作洮。黑水出
縣西六十里黑水邨西山。左右二源。一自山底邨東南流。
一自後溝邨東北流。合流而東。屈南。合石河之水。又南。壽
水自南來注之。又屈曲而東。龍門河自左注之。又東。谷口
河自右注之。又東。萇榆河自左注之。又東。左合曹河。又東。

逕縣南。屈南左納七里河。又南合北河鎮之水。又南入洞
渦水。水經注云。黑水西出山。三源合舍。同歸一川。東流南
屈。受陽縣故城東。其水西南入洞。過考是水在縣南二里。
晉時有壽水之名。縣在其陽。故曰壽陽。而水經注言黑水
不言壽水。或謂黑水壽水龍門河為水。經注所云三源大
致以意傅合而已。計行一百二十里。三十五里什貼鎮
尖、三十五里太

安驛茶尖 五十二
里壽陽縣東關宿

○二十七日寅初發壽陽東郭里許。有安定橋跨東河上。
河南流入壽水。十里土嶺鋪。驪過七嶺。汛下坡。坡盡至

度隴記

卷四

三

芹泉。十里芹泉驛。驪芹泉源有二。南芹泉出縣東南四
十二里鴉鳴谷。北流注桃水。俗呼庫倉河。北芹泉出縣東
北三十里太平谷。南流至張淨鎮之西。注桃水。俗呼太平
河。十里張淨鎮。驪自土嶺至張淨皆東行。偏南。十里
新店鎮。平定十里測石驛。平定尖於石室。驛為孟縣轄。先是
壽陽縣城內無驛。嗣增設驛一。縣城距芹泉僅二十里。太
近。芹泉距平定乃八十里。太遠。移芹泉驛於測石。於是由
太安而芹泉而平定。相距各五十里。道適均。五里坡頭
邨。平定過此多灘行。五里辛興鎮。平定灘行多險。夏秋防山

水。十里。賽魚邨評。五里。石卜嘴評。五里。平潭鎮評。
自張淨至此。皆東行。過此。東行偏南。過草橋。入峽行。漸下
坡。賽魚平潭兩界之間。有媚輝閣。顏曰上天玉尺。平潭東
門。題曰燦霞。五里。陽泉邨評。五里。義井鎮評。過鎮上
坡行。五里。黑沙嶺評。五里。平定州。州西門有茄石。平
地矗起。狀如茄州。依山爲城。周二里許。爲上城。州治在其
中。門二。南曰迎薰。東曰榆關。韓信下井陘口。駐兵於此。築
城爲寨。以榆塞門。因名榆關。出榆關門。月城。卽下城矣。下
城起上城東南隅。由東而北而西而南。周六里許。其牆尾

度隴記

卷四

三

當上城之背。下城。宋太平興國四年增築。門亦有二。東曰
拱岱。西曰瞻華。兩門爲往來孔道。城中有河爲嘉水。是夕
宿西關。太行起蒲州雷首。由東北蜿蜒而上。直達幽燕之
境。解澤潞沁遼平皆在山之西。而平定於諸州爲東北。於
太原爲東。自黃沙嶺西。大者爲華菴白巖。皋落。蒙山。又西
南與松子嶺諸山接。爲遼平二州分界。北爲樂平之舊治。
自娘子關西。大者爲綿山。承天盤石龍頭。又西北與盂諸
山接。爲平定之治。自黃茆西。大者爲馬鞍山。藏山。又西
北與五臺諸山接。東南爲孟之治。壽陽首方山。北自孟來

西南如罕山紫巖與太原分界而治在其東南太行既西出故平定廣陽之水西流樂平之洞渦西南流清漳自南而東孟之牧馬龍花北流壽陽之曹河萇榆西流唯滹沱自定襄入孟東流平定桃花始壽陽東北下受孟東南之水又下受本境東南之水又下受故樂平西北之水入澤發東流其西流者皆入洞渦東南流者入漳東流者入滹沱西北流者亦入滹沱平定山皆石樂平孟石強半壽陽皆土水大者行兩山間小者盈涸無常均不利灌溉至其詭狀殊形支分派別可得而具詳也平定州西十里爲馬

鞍山北漢天會十二年宋鎮州守將破馬鞍山砦卽此二十五里爲獅子山有蒲臺神廟三十里禪巖蒲臺廟南峰也八十里爲西浮化山州西南八里爲冠山與冠山角峙者爲嘉山草木嘉美故名四十里爲七里嶺其高七里州南十里爲石樓山遇雪霽如列玉屏故一名玉屏二十里爲侯神嶺陽勝水出焉州東南三十五里爲藥嶺山有石佛洞清涼院巖石嵯峨澗水清冽四十里晉盤山山形盤錯故名北與東浮化山對峙一百四十里爲龍鳳山有石井冬夏不涸州東二十里爲試劍峰韓信下井陘試劍於

此上有淮陰侯廟。五十里爲東浮化山。一名浮山。南與晉盤諸山競雄。北與青玉峽交互。上有女媧煉石補天竈。州東北十五里爲蒙山。一峰孤秀。高出羣山上。有晉山神祠。二十里爲白雞山。唐莊宗獲白雉於此。亂柳邨有龍頭巖。平地突起。形如龍頭。五十里仙人嶺。有乳泉。曲陞徑仙橋。險絕。六十里爲盤石六度巖。七十里石門。九十里爲綿山。山在娘子關。唐建承天軍。一名承天山。又名紫金山。澤發水出焉。澤發一名阜漿。又名畢發。平地突起。下赴絕澗。懸流千尺。散縷似珠。卽井陘冶河之源也。有介子廟。妒女祠。

度隴記

卷四

十四

州北十一里爲臥龍山。十三里爲臥虎山。三十里爲四角山。山勢四起。下出三泉。州西北五里爲鵲山。上有扁鵲廟。下有平地泉。趙簡子賜扁鵲田四萬畝。在山下。五十里爲方山。桃水自壽陽東流入州境。至亂柳邨。受南川嘉水石門河。青玉峽水。由石峽入井陘界。東流入冶河。水赤色如桃花。故名。又曰桃江。水經注。斯浚水首受太白渠。太白渠首受綿蔓水。綿蔓水上承桃水。桃水東逕故關城北。流至井陘關。下注澤發水。水亂流。東北逕常山縣。蒲吾縣西。而桃水出焉。南逕蒲吾故城西。又東南流。逕綿蔓縣故城北。

自下通謂之綿蔓水。計行一百里。五十里測石驛尖
五十里平定州西關

宿

○二十八日寅初發平定入瞻華門出拱岱門東行過文獻名邦石坊其石柱題云科名焜耀無雙地冠蓋衝繁第一州。十里磬石邨評。十里西郊邨評。十里石門口。評去夏供事後車於此遇水幾不免。五里小橋鋪評舊有人祖廟不詳所建亦不知祀何神詢之土人言殊不雅馴較黃土搏人之說尤荒誕明嘉靖間重修甄敬有記。五里橋頭邨評。七里青玉峽評。三里柏井驛評尖。

度隴記

卷四

三

五里西天門評。二里八里橋評。八里柏木井評。五里固驛鋪評。十里槐樹鋪評。十里固關評。三里甘桃驛評。二里舊關評。五里山西平定直隸井陘界牌發平定至此皆直東行過此東北行。五里核桃園評茶尖。五里龍窩寺評。五里長生鎮評。五里板橋邨評。五里朱邨評。五里井陘縣將抵縣由南關下坡涉綿蔓河即澤發水也。一名綿水源出綿山。歷娘子關東入縣境南峪邨。經乏驢嶺蔡莊等邨繞縣治南東趨西河張邨橫口水性温嚴冬不冰引水轉磨香麪之利出焉入會源門城南門。

也。門三。西曰鎮武。東曰東聚。又於南門之東闢一門以避水。曰甯和。是夕宿行轅。縣西五里爲蔡莊洞。十里爲百華山。赤壁峭立。傍有張果洞。稍東爲乏驢嶺。石上蹄痕。相傳卽列仙傳所云張果憩處也。縣西北十五里爲雲鳳山。嘗有采雲丹鳳。故名。二十里爲大臺山。雄秀峻拔。出邑中諸山上。縣北十里爲鳳皇嶺。有無梁殿。三十里爲鹿耳嶺。趙莊嶺。四十里爲觀音陀山。在趙莊嶺西。連亙數里。五十里爲陘山。有石鼓寺。瀑布泉。六十里爲挂雲山。爲馬頭將軍山。爲望山。爲屏風山。爲雙峰山。七十里爲靈山。有抱懷嶺。

度隴記

卷四

美

縣東北五十里爲仙翁山。上有紫雲洞。下有通仙觀。六十里爲馬子峪。時有白馬。隱見無常。縣東十五里爲牛王洞。五十里爲行龍山。上有蒼巖聖母祠。爲西屏山。岨內有白雲洞。雲出輒雨。爲天晴巖。舊傳李左車兵苦淫雨。至此忽晴。曬衣甲於石。故名。六十里射堞山。王翦下井陘。於此射堞。縣東南爲柏山巖。產柏。甘洵河繞其下。三十里爲石人山。四十里爲千佛巖。高百餘丈。絕頂兩壁鑄千佛像。五十里爲神山。爲割髭嶺。光武擊赤眉。尤來大槍之徒。割髭而遁。故名。爲牛口峪。竇建德與唐戰沒於此。先是童謠曰。竇

入牛口。勢不得久。果驗。其妾卜氏亦沒於卜邨。鄭退谷太守有句云。野豆風摧牛口峪。無人更弔卜邨花。六十里爲金珠嶺。七十里爲鑾駕山。隋文帝省其女妙陽公主。駐蹕於此。爲曬袍山。妙陽曬袍處。爲蒼巖山。妙陽證道處也。縣南三十里爲筆架山。四十里爲障城山。慈佛巖。六十里爲石牆嶺。嬰子巖。縣西南十里爲天清山。計行一百三十

里。五十里。柏井驛尖。五十五里。核桃園。茶尖。二十五里。井陘縣城內宿。

○二十九日寅初發井陘。出東聚門。涉綿蔓水。登岸。東北行。過漢田叔田仁故里。梁孝王使殺故吳相袁盎。景帝詔

度隴記

卷四

七

叔案梁得實還報。恐傷太后心。白帝寢其事。帝賢之。以爲魯相。多所匡正。及卒。魯王賜金子仁不受。曰。不敢以金傷先人名。仁爲將軍。召對稱旨。使護邊穀於河上。與任安齊名。五里東黛嶺。井五里郝家邨。井五里張邨。井五里橫口邨。井綿蔓水自城南東流。經郝邨張邨。至此甘洶河水自平定松子嶺北入井陘境。楊莊口經耿莊孤臺障城梅莊秀林等邨來會之。二水交。匯名微水。五里長岡邨。井五里微水邨。井渡微水至邨。茶尖。時辰初。邨有劍山。勢若倚天。慙南清風山。有龍神祠。聖水洞。禱雨輒應。

邨卽淮陰侯背水爲陣處也。舊有石橋跨微水上。名太平。今久圯。方恪敏公記云。橋成之日。適大兵平金川。振旅還京。過此。控弦之士。按轡坦行。饒吹之聲。響徹山谷。居人於時。額手稱太平。遂以名橋云。微水至此折而北流。過東冶邨。名冶河。入平山縣境。注漳沱河。十里白石嶺。井五里。上安邨。井五里。下安邨。井五里。亮子嶺。井五里。界石。井鹿。交。界石西三里。過郝家莊鎮。出鎮後。過抱犢山麓。漢書韓信伐趙。令人持赤幟從間道登葦山而望。卽此山也。後魏葛榮之亂。民有不從者。抱犢而死。故名。上有石

度隴記

卷四

美

刻抱犢福地四字。三峰列峙。峭拔如削。山南有試劍寨。相傳信試劍於此。五里土門口。獲卽井。經故關也。古者關津。通謂之口。一名土門關。有淮陰侯祠。平定志言太行八經。一軹門經。二太行經。三白經。四溢口經。五井經。六飛狐經。七蒲陰經。八軍都經。太行之名尤著。故稱太行八經。爾雅。山絕經。蓋兩山中絕。以成隘道也。李吉甫曰。太行山南起河內。北至幽州。凡有八隘。後史志地理者多本其說。於軹門以北。軍都以南。概以太行亦太鹵莽矣。八經固各有山脈所自來也。五里獲鹿縣。入威遠門。城西門也。南

曰和薰出東門。門曰迎恩。尖於行館。到時已正。縣西里許為牛山。上有雙井。水湧不竭。鹿水經其下。二里為奇石山。石清潤。材中碑碣。五里井陘口。七里為蓮花山。上有碧霞元君祠。蓮花山北為磨兒山。層疊如磨。為韓信寨。八里為抱犢山。試劍寨。為虎王寨。鹿泉發源處也。為九里山。自井陘至獲鹿。迤邐九里。山脊如刃。又名刀刃嶺。縣西南十里為海螺山。盤旋如螺。下有連珠洞。三十里為金珠山。石青溫潤如玉。名蘭蕊石。縣南十二里為橫山。映帶如屏。三十里為西屏山。為玉山。五十里為封龍山。界連元氏。縣東北

度隴記

卷四

五

七里為虎頭山。雄踞翹立如虎。縣北五里為臥龍山。二十里為佛光山。五里海山嶺。獲鹿五里十里鋪。獲鹿十里安舍鋪。獲鹿十里趙陵鋪。獲鹿茶尖。五里蕭家營。証五里柳林鋪。証十里滹沱河。証河水漸急。是日將渡時。橋北圯二三丈。以舟續之。漢班孟堅敘禹貢九河。以此為徒駭。宋蔡九峰以為非。是滹沱發源山西繁峙縣太戲山。由代州崞縣忻州定襄縣五臺縣孟縣迳平山靈壽正定藁城晉州束鹿會滏陽河。接入子牙河。歸淀。達於海。譚竹崖觀察言。滹沱舊貫甯晉泊會滏。雍正間。怡賢親王導由衡

水之焦罔入滏。嗣改由冀州之邵邨入滏。藁城以下所經。爲趙州甯晉冀州。十里。正定府城宿。城門四。東迎旭。今改環翠。西鎮遠。北永安。是日入長樂門。城南門也。地爲漢順平侯趙雲故里。昭烈東伐。順平諫曰。國賊是曹操。非孫權也。宜早圖關中。因河渭上流。以討兇逆。其識甚偉。又嘗引霍去病之言曰。匈奴未滅。何以家爲。今國賊非但匈奴。未可求安。須天下平定。各返桑梓。歸耕故土。乃其宜耳。侯智勇兼備。有古大臣風。偏安非其志也。瞻拜遺碑。益深嚮往。城北舊有臺。俗呼神女樓。趙武靈王夢神女於此。令羣

度隴記

卷四

四

臣賦之。此真夢。非如宋玉微詞。王漁洋詩云。神女樓空雁塞孤。照眉池涸半寒蕪。邯鄲賓客皆能賦。誰似朝雲楚大夫。載漁洋詩話。城西門外護城河中。泉甘冽。異他水。名恆陽第一泉。陸升遺拜匣於獲鹿。計行一百三十里。三十里微

水邨茶尖 四十里獲鹿縣東關尖 三十里趙陵鋪茶尖 三十里正定府城內宿

三十日寅初發正定。出永安門。門外舊北門址之右有韓信洞。相傳信襲趙。爲隧道以度軍。潛通獲鹿。今廟後兩洞俱湮塞。惟洞口磚甃數步可入。城北牧莊有蘭相如廉頗李牧墓。三家各相去百步。十里。十里鋪。証先經七里。

鋪七里十里兩鋪之間有滋水。一作瀆。一作礮。陸清獻畿輔八府地圖記。滋水發源山西大同府靈邱縣枚回山。流經直隸靈壽行唐。真定藁城。無極。深澤。至祁州三岔口。合滋沙二水。又畿輔通志。滋河發源枚回山。經靈壽。入行唐之張茂邨。伏焉。至無極南孟社。復出。遶社北旋。譚竹崖言。今滋水於嘉慶初年潰。正定隄奪木刀溝路。由新樂無極定州。仍歸深澤舊道。十里北牛鋪。釭十里三十里鋪。釭十里伏城驛。釭尖到時已初。五里正定北界碑。過此入藁城界。五里吳邨堡。藁城五里藁城界碑。過此入

度隴記

卷四

四

新樂界。五里馬頭鋪。新樂過草橋。橋下水清。卽曹河溝也。木刀溝水自西來注之。鋪有石橋。乃古新市縣治之南關城濠也。明趙明府濬濬而栽蓮。構店舍以駐行客。因名蓮花店。今蓮不再。花店舍瓦礫矣。風流如昨。誰其嗣之。宋眞宗時。田敏屢有戰功。史載敏遇敵。鎮州之北。大破之。於馬頭嶺。契丹請和。正定府志載其事。言疑卽今馬頭鋪。五里同常店。新樂二里十八里鋪。新樂三里小寨鋪。新樂八里七里鋪。新樂道經湧泉溝水。水發源於中同邨之浴兒池。泉眼大如箕。次如盤。皿次如蠅泡。自中同厯何家莊。堽頭

邨營裏邨至此。再四十里。匯爲三汊河。入藁城境。湧泉一名浴河。一名金水河。二里。南五里鋪。新過此。經派河。一名沙河。出繁峙縣。由曲陽入縣境。南北朝魏主進軍新市。慕容麟退沮派水。卽此。郜河源出行唐縣。東注入縣境。於縣治西南入派河。唐郭子儀敗史思明於沙河。卽此。二水合流入定州界。新樂五水。夏秋靈潦。田多淹沒。前令林明府。華皖河渠記。具在。治水規模可得而仿也。五水者。派河。郜河。滋河。湧泉。木刀溝也。五里。新樂縣。茶尖。三渡草橋。始抵南關。近城之橋名通濟。冬成夏撤。歲以爲常。五里。

度隴記

卷四

望

北五里鋪。新茶尖。後入新樂南門。門曰來薰。出東門。過義

皇聖里碑。東北行抵此。縣北金馬山。一名馬家岡。爲一邑

主山。西北有茅山。高僅二丈許。拳石錯雜。時有光氣。縣有

杜姑邨。宋太祖母杜太后故里也。五里。田邨鋪。新五

里。界牌鋪。州五里。三十里鋪。州五里。明月店。州定宿。到

時申正。計行一百一十里。四十里。伏城驛。尖。四十五里。新樂縣。南關。茶尖。二十五

五里。明月店。宿。

○二月朔。丑正。發明月店。五里。咬邨鋪。州五里。孟良橋。州下爲嘉水。嘉山右掖之水也。東南流。經此。合沙河。嘉

山在曲陽縣治東一名嘉禾山唐郭子儀敗史思明於此平地崛起蜿蜒十餘里山頂有孟良寨山後有佛兒峪五里八角郎崕十里定州入迎泰門城南門也門四東觀海西望恆北瞻宸行轅同茶尖時黎明州舊志云定之山起於恆支於嘉止於中山按恆山在曲陽縣治西北卽阜平大茂山自山西渾源州發脈由蜚狐嶺達曲陽寰宇記言舊傳一峰自渾源恆山飛來故名曲陽定州轄故州志及之又城東五里兩山相對低昂若一曰平山州治後有中山後圃蘇文忠公守中山於此得多葉杏繫以詩又

度隴記

卷四

三

得白石爲盆盛之激水其上名其室曰雪浪齋州治南開元寺中有料敵塔宋咸平間築以望契丹者城南七十里有廉臺邨相傳廉將軍頗嘗築臺練兵於此十里清水河崕一稱唐河畿輔通志唐河原名滋水入唐縣爲唐河畿輔入府地圖記滋水發源山西大同府靈邱縣流入倒馬關經唐縣過完縣曲陽定州至祁州三岔口合沙磁二河定州北十里有清水河發源白龍泉流至城北入滋水俗亦謂之唐河直隸水道圖說磁河沙河自山西東流入境滋河自山西南流入境會焉祁河出保定府東流與滋

河東出之廣利渠會。又合清苑河。金綫河。徐河。雹河。匯於西淀。譚竹崖言。今廣利渠在清苑境者半已淤涸。唐河由望都之六宿邨決入清苑之李各莊諸邨。漫淹一片。由夾河鋪出老河頭。下達安州。非昔時歸祁州三岔口之故道矣。十里樂莊鋪。旋。十里清風店。旋尖。到時卯初。聞拜匣尋獲。店北平壤爲石將軍亨戰場。李夢陽歌云。清風店南逢父老。告我已巳年間事。店北猶存古戰場。遺鏃尙帶勤王字。十里荆墳鋪。旋。十里戚里鋪。旋。八里順城鋪。旋。過此驛路漸濶。二里望都縣。入向治門。城南門也。

度隴記

卷四

四

一曰解愠門。三東曰青陽。北曰拱極。出北門東行三里許。抵東關。午正。茶尖所駐。卽印甫容伯舊宿處。距尖所數武。有帝堯祠。志載伊祁山北有三阿。一名大蒐。一名鷹頭。一名車輪。通鑑慶都生堯於三阿之陽。卽此。又堯山。張晏言堯爲唐侯國於此。又望都山。一名豆山。一名孤山。張晏言登堯山可見都山。卽此。按今邑平原曠野。有水無山。諸書云。然蓋古之慶都地。廣諸山皆在境內也。繞城之河名玉帶。邑北二里有龍泉河南流入焉。灞龍河發源縣西南五里。合發源縣西南一里之清水河來會之。東流入清苑界。

名曰界河。又祁水出伊祁山。經縣北水田等邨東流入曲
逆河。城東門外東南百步許有丹朱墓。漢志堯封子朱於
丹淵。爲徹侯。故曰丹朱。十里良邨。望都五里十五集。滿城
滿城西南三里爲陵山。形如巨舟。頂有一畝石。二十里爲
尉公山。縣西三十里爲抱陽山。山南向氣溫。冬雪不積。山
陰有龍角洞。東岩下有石穴。張燕公讀書處也。縣西北七
里爲魚條山。十五里爲荆山。爲樂山。爲玉山。產燕石似玉。
故名。二十里爲石井山。縣北三里爲眺山。巍然特峙。不與
西山相屬。七里爲謁山。山勢東出。形如朝謁。十五里爲北

度隴記

卷四

望

眺山爲岡頭山。二十里爲環山。一名紫口山。奇邨河在縣
東十五里。發源西北四里許。泉水湧出。其闊一畝。名一畝
泉。一名尙泉。昔號西塘泊。泉西南二里許。又有泉噴出。狀
如雞距。二泉合流。經奇邨。故名奇邨河。入保定府南城河。
出驢馬廟。下達安州之依城河。程伊川謂藻西莊。卽今一
畝泉處。城多沮洳。可開田數千畝。以植秔稻。爲一方無窮
之利。興水利者。可詳考焉。五里高映鋪。縣五里拱宸
鎮。滿城五里方順橋。滿城實鎮也。橋下濡水。源出易州窮獨
山。一名聖女水。今名方順河。一名金線河。會縣曲逆河流。

入鎮上築石閘曰雞心。從閘口南下。東流過清苑至府城。入梁河橋。亦出驂馬廟。下達安州。依城河。鎮外有斬文襄公神道碑。計行一百十五里。二十五里定州城內。茶尖。三十里清風店。尖。三十里望都縣東關。茶尖。三十里方順橋。宿。

○初二日寅初發方順橋。五里太平莊。城滿五里孟邨。

城滿五里涇陽驛。城滿五里湯邨。城滿五里郭邨。城滿五

里閻童鋪。城滿五里大激店。清苑茶尖。時辰初。白草溝水由

方順橋北。承唐縣之廉利河。會曲逆河。至雞心閘。從北口

下東流。過此入府城河。十里小激店。清苑十里五里鋪。

度隴記

卷四

吳

清苑五里保定府博爽塏。三關重地也。紫荆居庸倒馬

爲內三關。山西之甯武偏頭雁門爲外三關。皆燕都之衛

城門。四東瀛海南蠡吾西華山北拱極。趙宋僖順翼三祖

陵皆在縣東境。建隆初置保塞軍。爲防邊要地。易州旣沒。

於是廣植樹木以限契丹。童貫伐之。而敵騎南下矣。城西

北狼山鋒銳如削。皎然玉立。一名郎山。尖於西關。到時已

正西南。關吳家灣清苑河。卽一畝泉也。水自滿城來。沂流

而東。由城濠南。過天水橋。出驂馬廟。經安州。抵直沽。入海

灣。建石閘。以時啟閉。過此時水聲淙淙。若分漑。諸田其利。

溥矣。城中有蓮花池。元萬戶張柔開渠灌水以種蓮。尚存看花亭遺址。在今府治南。澄瀾蕩漾。簾戶疏越。魚泳鳥翔。有三湖七澤之盛焉。保定西南距山西界四百四十五里。東北距皇華驛三百三十五里。十五里徐河橋。肅安徐河源發易州五迴嶺。南流經滿城至清苑北十五里入安肅縣。紆折而東與安州依城河合。宋太平興國元年裴濟擊契丹於徐河。斬首數千級。四年錢守俊與張勅等遇敵戰於徐河。斬首千級。皆此地。又端拱二年契丹既陷涿易二州。兵勢甚盛。李繼隆護送糧餽。耶律休哥謀帥精騎邀諸

度隴記

卷四

七

途。北面都巡檢使尹繼倫適領兵徼巡路。遇之。休哥不顧而南。繼倫激其眾曰。寇蔑視我矣。令持短兵躡其後。行數十里。至徐河。天未明。休哥方會食。繼隆陣於前。繼倫從後急擊。斬契丹一大將。休哥驚愕失箸。短兵中臂。倉皇遁去。自是契丹奪氣。每以當避黑面大王相戒云。十里西漕店。肅安五里漕河。肅安河自西北朔甯縣曹河澤發源。由滿城縣南韓營流入安肅楊邨界。至于家莊入安州淀。南岸慈航寺東有給孤獨園。同茶尖於此。又大冊河發源五迴嶺。流經漕河。五里荆塘鋪。肅安荆塘有墓高二丈。未考何

代。五里。劉祥店。安肅。五里。十里鋪。安肅。十里。安肅縣縣

南里許為南城。周三里。題曰銅梁峻壘。關南石橋曰永濟。

五代梁遣將賀瓌攻南城不拔。即此。縣西四十里為班姬

山。一云漢婕妤。一云曹大家。一云隋煬帝妃。從征高麗。卒

葬於此。為羊山。宋咸平元年。田敏大敗契丹於羊山。二年。

契丹入寇。楊延昭伏兵羊山掩擊之。即此。四十三里為象

山。四十五里為鳳皇山。皆以形似名。有黑山。有圍道山。四

山高聳。路在其中。故名。有釜山。黃帝會諸侯合符處也。五

十里為龍山。形勢蜿蜒。六十里為藥欄山。有黃伯陽洞。縣

度隴記

卷四

吳

西北四十五里為釜陽峪。五十里為柏山。為牟山。以上諸

山脈皆來自太行。計行一百十五里。三十五里大激店
茶尖 二十五里

保定西關尖 三十里漕河茶
尖 二十五里安肅縣南關宿

○初三日寅初發安肅。入來遠門。出北門。北關題曰鐵雁

雄封。關外有瀑河。自易州石虎嶺發源。由易州賈莊流入

縣境。范邨有發源郎山之曲水。河來注之。至興隆莊。入新

安縣。宋乾德初。工部侍郎馮極言備兵之要。於遂州依瀑

河為陣形勢可勝。即此。又有雞爪泉。流至孤莊營一帶。種

蔬甚美。黃芽尤佳。世稱安肅菜。正此處也。入瀑則稍遜。漸

次而東。味愈薄矣。十里。白塔鋪。肅安過石橋。橋下萍水源。出易州黃山。清淺多浮萍。自田邨鋪西北第一泉起。由麒麟店抵白塔。經孤莊營入安州。近水田疇多資灌溉。五里。麒麟店。肅安麒麟冢。初名龍駒墳。有碑記。五里。田邨。肅安田光故里。有橋曰田邨橋。橋下雞爪泉也。源出平地。三派分流。經柳灣入衛。天順間壘石爲橋。以便往來。五里。界牌。定安肅興交界。五里。固城鎮。定安茶尖。十里。尙汲店。定安五里。十五汲邨。定安五里。泥河鋪。定安四里。六里鋪。定安三里。三里鋪。定安均有坊。三里。北河店。定安拒馬易水百

度隴記

卷四

異

澗三河合流於此。本名河陽渡。拒馬河卽涑水也。亦曰渠水。源出廣昌縣涑山。歷涑水縣入定屬之吳邨。經大田蕭家莊。册上等邨。趨北河。晉劉琨嘗拒石勒於此。因名拒。或書作巨。百澗河。源出易州百澗邨。入縣屬西落堡。經百樓平堤。鄭邨河內等邨。與易水會。趨北河。北河下游曰白溝河。古范水也。宋與遼於此分界。河勢趨東南。經容城霸州。達直沽入海。五里。小北河。定安卽古易水。源出涑水縣樂平山。其發源處名沙河。由涑水縣入定屬長安城。經河內等邨。與拒馬河會流。按易水有三。燕太子丹祖荆卿於此。

地。蓋中易也。寰宇記云。易水南北中。源皆各出。南易名雹水。源出獨石岡。經安肅入容城界。卽瀑河。下流直抵安州。中易名武水。出故城閭鄉谷。自易州入定興。河陽渡。北易名濡水。出窮獨山。南入定興。與中易水合流。俱入容之巨馬河。五里定興縣。由南城外折而東。縣有椒山公祠。城門四。東迎陽。西天慶。南景化。北廣化。五里祖邨店。甃有墩。五里界牌。定興新城交界。有界河。上流近紫泉。下流合白溝。入巨馬。卽西溝河也。自十里鋪入大清河。至白溝鎮。合巨馬。今則涓流如帶。多種葭葦。秋霖淫潦而已。新城戰國

度隴記

卷四

五

督亢地。北鄰涿鹿。南近雄關。東接益昌。西連龍兌。地勢坦平。城臨四野。三輔咽喉。七省門戶也。五里三丈鋪。城新有墩五里馬邨河。城新源出高碑店西北。由稻子河入定興界。經辛誥邨至西靳邨。與巨馬河合常澗。五里高碑店。巖邀曉滄石帆茶尖。店壁有易水弔古詩云。地中鳴角鐵扉啟。割據英雄猶鬪蟻。祇今誰復憐公孫。獨弔衣冠送易水。水聲含怒。風聲死聲。聲如筑。入變徵。丈夫一劍快酬恩。不濟徒爲狗盜耳。十步臣能血濺王。無端生劫繞長廊。橫飛白電過銅柱。匕首不如盛藥囊。刺王未必存燕國。馬角

烏頭怨且洩。破家結客。自有人報韓。追奪祖龍。魄。瞋目肆罵。成何濟。孽袖曾無血。縷得樊。將軍頭真可惜。末署侯亭字。十里平安店。嶺五里澤畔鋪。新城分界地近歧溝故名。其地舊為督亢。酈亭二溝分流處。遼宋於此置關。遼史所謂大敗彬信於歧溝關。卽此。其南通虎賁驛。今道已東改。而其名尙存。彬。曹彬。信。米信也。五里熨斗店。涿州五里松林店。嶺五里忠義店。嶺有汛曰桓侯汛。鎮南邨外路西有漢張桓侯古井碑。五里包子鋪。嶺十里涿州宿南關。有漢昭烈廟。昭烈故涿之樓桑邨人也。境東南

度隴記

卷四

五

有漢盧植墓。土人呼爲南臺。涿故水名。源從大同得勝堡人。至老班溝。一之涑水縣。一之涿州。沙水俱活。東西不定。故謂之挾括水。又謂之聖水。城西北隅有華陽臺。舊傳燕丹與樊將軍置酒華陽館。出美人奇馬。卽此處。城門四。前迎恩。後通濟。左進德。右積慶。計行一百四十里。三十里

茶尖 三十里北河店尖 三十五里 高碑店 茶尖 四十五里涿州南關宿

○初四日。平明發涿州。過千間大庇橋。南額曰一葉通津。北之內曰甘露常融。城西北一里有桃莊。州志以爲桓侯舊里。五里胡良河。嶺方輿紀要胡良河。源出房山縣大

安山東麓流入州境。又南與挾河合。入良鄉界。注琉璃河。涿鹿記作湖梁。新城志。胡良琉璃等水。自宋元後。由縣東北境合桑乾河。過齊旺務九花臺板家窩等村。至三歧村入霸州境。康熙壬子。始東西分流。今古道猶可辨。板家窩北窪地尚存。古橋椿隱見不常。見則水災。五里仙峰坡。涿州自渡滹沱以來。山勢與驛路絕遠。至此逼近。過此勢復開。五里常店縣五里挾河村房地為涿州房山良鄉交界。日下舊聞云。挾河或謂源自大同邊界入。或謂源出良鄉房山。或云卽聖水。或云卽巨馬河。難以臆定。愚按燕

地河渠多。不以時修濬。雨暘不時。河流之漲涸。因之通塞無定。河流之分合。又因之載籍參差不獨一挾河也。十里琉璃河鄉地卽燕谷店。其水卽大清河。山海經。燕山多嬰石。燕水出焉。郭璞傳。石似玉。有符彩嬰帶。所謂燕石者。水經。聖水出上谷。道元注。聖水又東經玉石山。山多珉玉。燕石。故以玉石名之。朱謀埠箋云。聖水今琉璃河。通志。琉璃河在新城縣東。自涿州流入。東合紫泉河。今按紫泉在大清河西。至新城南十里。乃入大清河。是大清河西合紫泉南流為白溝河也。又云。酈亭溝水轉大利亭。東南入巨

馬水又督亢溝水注之。是大清河亦督亢北派也。十五里。賣店鄉尖。十里。小十三里鄉。五里。大十三里鄉。五里。蕭家莊鄉。五里。良鄉縣茶尖。東關外有塔七級。相傳為昊天塔。昊一書作壕。縣西十里有伏龍岡。形勢蜿蜒。又五里為龍泉山。山下有石龍口。出泉不竭。東流入鹽溝河。十里。長楊邨鄉。數武。過岡窪邨。交宛平界。宛平秦蘄縣地也。唐析置幽都縣。遼改宛平。五里。董公菴宛平。五里。趙新店宛平。五里。長新店宛平。宿旅舍。兩宅通。自長楊至長新一帶。地勢低窪。道多積水。計行九十五里。即十五里賣店

度隴記

卷四

三

尖 二十五里良鄉縣茶尖 長新店宿

○初五日丑刻發長新店。五里。盧溝橋宛平。水曰桑乾。一名永定河。即古渾河也。明外史河渠志。桑乾河發源太原之天池。伏流至朔州雷山之陽。渾泉溢出。是為桑乾。東下大同。抵宣府保安州。雁門雲中。應州諸水皆會穿西山入宛平界。東南至看丹口。分為二。其一東流。由通州高麗莊入白河。其一南流。霸州合易水。至天津丁字沽。入漕河。是河過懷來。東兩山間不得肆。至京城西十里石徑山之東。地平土疏。衝激震蕩。遷徙不常。元史名小黃河。蘇東坡詩。

北渡桑乾冰欲結。心畏穹廬三尺雪。南渡桑乾風始和。冰
開易水應生波。盧溝爲桑乾下流。以其濁故曰渾。以其黑
故曰盧。新城張志。渾河源出山西代郡馬邑縣東北七里。
桑乾山。經宣府順聖川及蔚州北境。至黑龍潭。懸流數丈。
聲如殷雷。東過土木驛。始折而南。入盧溝。至看丹口。分二
派。一東流。一南流。十里大井鋪。宛平十里小井鋪。宛平
十五里彰儀門。宛平五里皇華驛。辰初抵京寓。計行四
十五里。

○初六日赴園相國入

度隴記

卷四

畜

觀差竣。是日議大禮。

奏上。通計來往驛路共七千八百五十里。園路不數。

度隴記卷四

受業江都趙熙和校字